

Scheiss uf s'Geld

Badi / Pedi Fritz

Ich ha so viel probiert und mich so viel blamiert
mengisch so viel studiert, aber leider isch gar nüt passiert
alles wieder usradiert und vo neuem probiert und plötzlich hani kapiert
das ich s'cha, dreihe wieni wott, ich wird nöd glücklich i dem Boot
gsehn langsam aber sicher nur no rot drum

Ref

Scheiss uf s'Geld, s'git no so viel schöners uf däre Welt
scheiss uf s'Geld, ihr sind alles woni bruch, uf mim Spielfeld
scheiss uf s'Geld, lebemer in Zuekunft halt im Zelt
scheiss uf s'Geld, pack dis Züg zeme
alles ligge lah und gah, für euses neue Lebe

Badi

Es git mengisch nöd viel, womi da hebt
mengisch me womi da nur ufregt
gahn go schaffe chume hei, doch isch das das woni wett?
nach em Schaffe nur no esse und den ab is Bett
es git mengisch me womi vo da weg bewegt
und das mal ganz klar uf Dütsch übersetzt
mir sind doch nur no am schaffe, für de Luxus Dihei
den das Lebe ide Schwiz, isch mengisch me e Last am Bei
will mengisch nume wiet weg furt, ohni überlege
wo jede mitchunnt wo muess debi sie, ohni überrede
woni nüt bruch, kei Geld, 100 Prozent Sail
nur en Strand, Sunne, Meer und en Cocktail

Ref

Pedi Fritz

Me chan Schufte wie en Esel, Schuele mache bises klöpft
alles uf de Chopf stelle, bismar Geld schöpft
aber wenna eim denn mit 65i nimmt, isches au gstört
glaubs oder glaubs nöd
mir isch d'Froid wichtiger als Monete uf de Bank
doch genau für das, isch das Land, uf de ganze Welt bekannt
jede meint mir seged alli riich und hend kei Problem
alles schön, aber au bi Geld gits Differenze im System
ich verbringe lieber die Ziit wommer bliibt
mit Familie und Fründe, egal wos eus hii triibt
Mensch bliibe und es Herz für die Richtige
das chasch mit Geld nöd chaufe, das isch s'Wichtigä!

2 x Ref